

КАНОН О УСОПШЕМ (УСОПШЕЙ)

[При чтении канона отдельно от панихиды:

Молитвами святых отец наших, Господи Иисусе Христе Боже наш, помилуй нас. Аминь.

Святый Боже, Святый крепкий, Святый бессмертный, помилуй нас. (Трижды)

Слава Отцу и Сыну и Святому Духу, и ныне и присно и во веки веков. Аминь.

Пресвятая Троице, помилуй нас; Господи, очисти грехи наша; Владыко, прости беззакония наша; Святый, посети и исцели немощи наша, имене Твоего ради.

Господи, помилуй. (Трижды) Слава, и ныне:

Отче наш, Иже еси на небесех, да святится имя Твое, да придет царствие Твое, да будет воля Твоя, яко на небеси и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

Господи, помилуй (12 раз). Слава, и ныне:

Приидите, поклонимся Цареву нашему Богу. (Поклон.)

Приидите, поклонимся и припадём Христу, Цареву нашему Богу. (Поклон.)

Приидите, поклонимся и припадём Самому Христу, Цареву и Богу нашему. (Поклон.)

Псалом 90

Живый в помощи Вышняго, в крове Бога небеснаго водворится. Речет Господеви: заступник мой еси и прибежище мое, Бог мой, и уповаю на Него. Яко Той избавит тя от сети ловчи, и от словесе мятежна, плещма Своима осенит тя, и под криле Его надеешися, оружием обыдет тя истина Его. Не убойшия от страха ночнаго, от стрелы летящия во дни, от вещи во тьме преходящия, от сряща и беса полуденнаго. Падет от страны твоей тысяща, и тьма одесную тебе, к тебе же не приблизится, обаче очима твоима смотриши и воздаяние грешников узриши. Яко Ты, Господи, упование мое; Вышняго положил еси прибежище твое. Не придет к тебе зло, и рана не приблизится телеси твоему, яко Ангелом Своим заповесть о тебе, сохранити тя во всех путех твоих. На руках возмут тя, да не когда преткнешися о камень ногу твою; на аспида и василиска наступиши, и попереши льва и змия. Яко на Мя упова, и избавлю и; покрью и, яко позна имя мое. Воззовет ко Мне, и услышу его, с ним есмь в скорби, изму его и прославлю его, долготою дней исполню его и явлю ему спасение мое.

Слава, и ныне: Аллилу́ия, аллилу́ия, аллилу́ия, сла́ва Тебе́, Бо́же. (Трижды) Го́споди, поми́луй. (Трижды)

Тропарь, глас 8-й

Глубино́ю му́дрости человеколю́бно вся стрóяй и полéзное всем подава́яй, еди́не Содéтелю, упоко́й, Го́споди, ду́шу раба́ Твоего́ (рабы́ Твоея́, раб Твои́х): на Тя бо упова́ние возложи́ (возложи́ша), Творца́ и Зижди́теля и Бо́га на́шего.

Слава, и ныне: *Богородичен:*

Тебе́ и стéну, и пристáнище íмамы, и моли́твенницу благоприя́тну к Бо́гу, Егóже родила́ еси́, Богороди́це безневéстная, ве́рных спасéние.

Псалом 50

Поми́луй мя, Бо́же, по вели́цей ми́лости Твое́й, и по мно́жеству щедро́т Твои́х очисти́ беззакóние моё. Наипáче омýй мя от беззакóния моёго, и от грехá моёго очисти́ мя. Я́ко беззакóние моё аз зная́, и грех мой предо мно́ю есть вíну. Тебе́ еди́ному согреших и лука́вое пред Тобо́ю сотвори́х, я́ко да оправди́шия во словесéх Твои́х и победи́ши, внегда́ суди́ти Ти. Се бо, в беззакóниих зачат есмь, и во гресéх роди́ мя ма́ти моя́. Се бо, и́стину возлюбил еси́, безвéстная и та́йная премúдрости Твоея́ явил ми еси́. Окропи́ши мя иссо́пом, и очи́щуся, омýеши мя, и па́че снéга убелю́ся. Слу́ху моéму да́си ра́дость и весéлие, возра́дуются ко́сти смире́нныя. Отврати́ лице́ Твое́ от грех мои́х, и вся беззакóния моя́ очисти́. Сёрдце чи́сто сози́жди во мне, Бо́же, и дух прав обнови́ во утро́бе моéй. Не отвержи́ мене́ от лица́ Твоего́, и Ду́ха Твоего́ Свята́го не отыми́ от мене́. Возда́ждь ми ра́дость спасéния Твоего́ и Ду́хом влады́чим утверди́ мя. Научу́ беззакóнныя путём Твои́м, и нечестивии к Тебе́ обратят́ся. Избáви мя от крове́й, Бо́же, Бо́же спасéния моёго, возра́дуется язы́к мой правде Твое́й. Го́споди, устне́ мои́ отверзеши, и уста́ моя́ возвестят хвалу́ Твою́. Я́ко áще бы восхотéл еси́ жéртвы, дал бых úбо, всесо́жжéния не благоволи́ши. Жéртва Бо́гу дух сокрушён, сёрдце сокрушённо и смире́нно Бог не уничи́жит. Ублажи́, Го́споди, благово́лением Твои́м Сио́на, и да сози́ждутся стéны Иерусали́мския. Тогда́ благоволи́ши жéртву правды, возношéние и всесо́жегаемая, тогда́ возложат на олта́рь Твой тельцы́.]

Канон, глас 8-й

Песнь 1

Ирмос: Вóду проше́д, я́ко сýшу, и егíпетскаго зла избежа́в, израи́льтянин вопия́ше Избáвителю и Бо́гу на́шему по́йм.

Прпев: **Покóй, Го́споди, ду́шу усóпшаго раба́ Твоего́.**

Отверз уста́ моя́, Спа́се, сло́во ми пода́ждь моли́тися, Милосéрде, о престáвленнем рабе́ Твоём, *имярек*, да покóиши ду́шу его, Влады́ко.

Покóй, Го́споди, ду́шу усóпшаго раба́ Твоего́.

Мертв быв плóтию, Спа́се, и во грóбе положён с мёртвыми, дúшу раба́ Твоего́ покой́ в мéсте злáчне, я́ко Милосéрд.

Слава: Молéбный глас мой услыши, Бóже Триипостáсне, и учини́ дúшу престáвленнаго в нéдрех Авраáмлих, Избáвителю.

И ныне: Ты, Пречíстая Богорóдице, Егóже без íскуса мýжеска зачéнши родила́ еси́, моли́ Сы́на Твоего́ подáти покой́ рабу́ Твоему́ престáвленному, *имярек.*

Песнь 3

***Ирмос:* Небéснаго кру́га Верхотвóрче, Гóсподи, и Цéркве Зиждíтелю, Ты менé утверди́ в любви́ Твое́й, желáний кра́ю, вёрных утверждéние, Едíне Человеколю́бче.**

Покой, Господи, душу усопшаго раба Твоего.

В мéсте злáчне, в мéсте покойне, идéже ли́цы святýх веселя́тся, дúшу раба́ Твоего́ престáвленнаго покой́, Христé, Едíне Мíлостиве.

Покой, Господи, душу усопшаго раба Твоего.

Идéже ли́цы святýх, та́мо вчини́, Влады́ко, послужíвшаго Тебé всем сéрдцем и воздвигшаго íго Твое́ на ра́мо своё, я́ко Едíн Влады́ка животá и смéрти.

Слава: Небéсный Отче Вседержíтелю, и Сы́не Единорóдный, и Дúше Святы́й Исходный, прéзри умершаго согрешéния, и в Цéркви пéрвенец всели́ егó, сла́вити Тя со всéми угóждшими Тебé.

И ныне: Я́ко Мáти Свята́я Пресвята́го Бóга, Влады́чице всяческих, Мари́е Богорóдице, со всéми святýми Сего́ моли́ дúшу поко́ити раба́ Твоего́ в Небéсных селéниях.

[При чтении канона отдельно от панихиды:]

Гóсподи, помíлуй (*Трижды*)

Седален, глас 5-й

Покой́, Спа́се наш, с праведными раба́ Твоего́, и сего́ всели́ во двoры Твоя́, я́коже есть пíсано, презира́я, я́ко благ, прегрешéния егó вольная и невольная, и вся я́же в вéдении и не в вéдении, Человеколю́бче.

Слава, и ныне: Богородичен: От Дéвы возсия́вый мíру, Христé Бóже, сы́ны свéта То́ю показáвый, помíлуй нас.]

При чтении панихиды повторяем ирмос:

Небéснаго кру́га Верхотвóрче, Гóсподи...

Гóсподи, помíлуй (*40 раз*)

и молитву:

Помяни́, Гóсподи Бóже наш, в вéре и надéжди животá вéчнаго усóпшаго раба́ Твоего́ *имярек* и я́ко Благ и Человеколю́бец, отпуска́яй грехи́ и потребля́яй неправды, осла́би, оста́ви и прости́ вся вольная его́ согрешéния и невольная, возставля́я егó во святóе вторóе пришéствие Твое́ в причáстие вéчных Твои́х благ, íхже ра́ди в Тя Едíнаго вéрова, íстиннаго Бóга и Человеколю́бца, я́ко Ты еси́ воскресéние и живóт, и покой́ рабу́ Твоему́ *имярек* Христé Бóже наш, и Тебé

сла́ву возсыла́ем, со безнача́льным Твои́м Отце́м, и с Пресвяты́м Ду́хом, ны́не и прѣсно и во ве́ки веко́в, ами́нь.

Седален, глас 6-й

Воистинну суета́ всяческая, жити́е же сень и со́ние, ибо́ всу́е мятётся всяк земноро́дный, я́коже рече́ Писа́ние; егда́ мир приобрета́ем, тогда́ во гроб всели́мся, иде́же вку́пе ца́рие и ни́щий. Те́мже, Христе́ Бо́же, преста́вльшагося упоко́й, я́ко Человеколю́бец.

Слава, и ныне: Богородичен:

Всесвята́я Богоро́дице, во вре́мя живота́ моего́ не оста́ви мене́, челове́ческому предста́тельству не вве́ри мя, но Сама́ заступи́ и поми́луй мя.

Песнь 4

Ирмос: Услы́шах, Го́споди, смотре́ния Твоего́ та́инство, разуме́х дела́ Твоя́ и просла́вих Твое́ Божество́.

Покой, Господи, душу усопшаго раба Твоего.

Соше́дый в преиспо́дня, Христе́, совоздвигл еси́ умерши́я вся, и преста́вльшагося от нас поко́й, Спа́се, я́ко щедр.

Покой, Господи, душу усопшаго раба Твоего.

Никто́же без греха́ есть, то́кмо Ты Еди́н, Влады́ко: сегó ра́ди преста́вленному и грехи́ оста́ви, и в рай то́го всели́.

Слава: Услы́ши, Трои́це Свята́я, гла́сы моле́бныя, приноси́мыя Тебе́ в це́ркви о усо́пшем, и Богонача́льным Твои́м све́том озари́ ду́шу, омраче́нную су́етными приверже́нии.

И ныне: Родила́ еси́, Пречи́стая, без му́жеска се́мене, Бо́га соверше́нна и Челове́ка соверше́нна, вземлю́щаго грехи́ на́ша, Де́во. Того́ моли́, Госпоже́, преста́вльшемуся рабу́ Твоему́ подати́ поко́й.

Песнь 5

Ирмос: Просвети́ нас повеле́нии Твои́ми, Го́споди, и мы́шцею Твое́ю высоко́ю Твой мир пода́ждь нам, Человеколю́бче.

Покой, Господи, душу усопшаго раба Твоего.

Имы́й живота́ и сме́рти власть, преста́вленнаго от нас поко́й, Христе́ Бо́же, Ты бо еси́ всех, Спа́се, поко́й и живо́т.

Покой, Господи, душу усопшаго раба Твоего.

На Тя, Спа́се, наде́жду возло́жь, умеры́й оты́де от нас; Ты же, Го́споди, ущедри егó, я́ко Бог Многоми́лостив.

Слава: Просвети́ нас, Трисвя́те, воспева́емый Влады́ко, моля́щихся Тебе́, мир небесный прия́ти, и в ми́рных селех ду́шу вчини́, отше́дшую от вре́менных в наде́жде безконече́ныя жи́зни.

И ныне: Шу́йяго стоя́ния, Пречи́стая, изба́вити преста́вленнаго умоли́ Сы́на Твоего́, Де́во Госпоже́, я́ко Спа́са и Бо́га на́шего Ма́ти су́щая.

Песнь 6

Ирмос: Моли́тву проли́ю ко Го́споду, и То́му возвещу́ печа́ли моя́, я́ко зол ду́ша моя́ испо́лнится и живо́т мой а́ду прибли́жися, и молю́ся, я́ко Ио́на: от тли, Бо́же, возведи́ мя.

Покой, Господи, душу усопшаго раба Твоего.

Ада испроверг, Владыко, воскресил еси умерших от века: и ныне преставленнаго от нас, в недра Авраамле Ты, Боже, всели, прегрешения вся отпустив, яко Милосерд.

Покой, Господи, душу усопшаго раба Твоего.

Заповедь, юже ми дал еси, Боже, преступих и смертен бых, но Ты, Боже, сощедый во гроб и души яже от века воскресивый, не возстави мене, Владыко, на мучение, но на покой, преставленный вопиет Тебе с нами, Многомилостиве.

Слава: Молим Тя, Безначальне Отче и Сыне и Духе Святыи, злобою душезлюбнаго мира озлобленную и к Тебе, Зиждителю, прешедшую душу во адово дно не отрини, Боже Спасе мой.

И ныне: С небесе Христос Бог наш, яко дождь на руно, Пречистая, сниде на Тя, напаяя весь мир и иссушая вся безбожныя потоки, наводняяй всю землю разумом Своим, Приснодево; Того моли дати покой преставленному рабу Твоему.

[При чтении канона отдельно от панихиды:]

Господи, помилуй (*Трижды.*) Слава и ныне:

Кондак, глас 8-й

Со святыми упокой, Христэ, душу раба Твоего, идеже несть болéзнь, ни печаль, ни воздыхание, но жизнь безконечная.

Икос

Сам Един еси Безсмертный, сотворивый и создавый человека: земнии убо от земли создахомся и в землю туюжде пойдём, якоже повелел еси, создавый мя и рекый ми: яко земля еси и в землю отыдеши, а може вси человецы пойдём, надгробное рыдание творяще песнь: аллилуия, аллилуия, аллилуия.]

При чтении панихиды повторяем ирмос:

Молитву пролию ко Господу...

Господи, помилуй (*40 раз*)

и молитву:

Помяни, Господи Боже наш, в вере и надежди живота вечнаго усопшаго раба Твоего *имярек* и яко Благ и Человеколюбец, отпускай грехи и потребляй неправды, ослаби, остави и прости вся вольная его согрешения и невольная, возставляя его во святое второе пришествие Твое в причастие вечных Твоих благ, ихже ради в Тя Единого верова, истиннаго Бога и Человеколюбца, яко Ты еси воскресение и живот, и покой рабу Твоему *имярек* Христэ Боже наш, и Тебе славу возсылаем, со безначальным Твоим Отцем, и с Пресвятым Духом, ныне и присно и во веки веков, аминь.

Кондак, глас 8-й: Со святыми упокой...

Икос: Сам Един еси Безсмертный...

Песнь 7

Ирмос: От Иудеи дошедше отроцы, в Вавилоне иногда, верою Троицкою пламень пещный попраша, поюще: отцев Бóже, благословен еси.

Покой, Господи, душу усопшаго раба Твоего.

Владыко Христé Бóже, егда хóщеши судити мiру, пощади дúшу раба Твоего, егóже от нас приял еси, вопиющаго: отец наших Бóже, благословен еси.

Покой, Господи, душу усопшаго раба Твоего.

В пищи райстей, идеже праведных дúши веселятся, послуживших Тебé, причти с ними, Христé, дúшу раба Твоего, воспéвшаго: отец наших Бóже, благословен еси.

Слава: Иудейския три отроки спасый во огни, в Трех Лицах воспéтый, избави огня вéчнаго усопшаго, воспéвшаго Ти вéрно: отец наших Бóже, благословен еси.

И ныне: Владыку Христа рóждшая всех Бóга, власти тёмныя воздушнаго князя избави, Дéво, дúшу престáвльшагося в вéре и воспéвшаго: отец наших Бóже, благословен еси.

Песнь 8

Ирмос: Седмерицею пещь халдэйский мучитель богочестивым неистовно разжжé, силою же лучшею спасены сия вiдев, Творцú и Избáвителью вопияше: отроцы благословите, священницы воспóйте, лю́дие превозносите во вся вéки.

Покой, Господи, душу усопшаго раба Твоего.

Скончав течение и к Тебé прибегóх, Гóсподи, престáвленный вопиét ныне, прегрешéния остави, Христé Бóже, и не осуди мене, егда хóщеши судити всем, вéрно бо Тебé зывáх: вся дела Гóсподня, Гóспода пойте и превозносите Егó во вéки.

Покой, Господи, душу усопшаго раба Твоего.

Понéсшаго, Владыко, иго Твое на раме своём, и брéмя Твое лёгкое, áще и не всегда, обáче в мéсте преподóбных Твоих всели дúшу егó, воспéвшаго Тебé, Христé Спáсе: отроцы благословите, священницы воспóйте, лю́дие превозносите Его во вéки.

Благословим Отца и Сына и Святаго Духа, Господа.

Безначальная Троице Свята́я, Бóже Отче и Сыне и Дúше Святы́й, в лице святых причти дúшу престáвленнаго раба Твоего и огня вéчнаго избави, да Тя хвалит, воспева́я во вéки: отроцы благословите, священницы воспóйте, лю́дие превозносите Егó во вéки.

И ныне: Тя, Дéво, прорóчестии лица прорекóша, прозряще бо Тя прозорливыма очима: ов úбо жезл наречé Тя, ин же дверь востóчную, ов же гóру человеки несекóмую. Мы же исповéдуем Тя воистинну Богорóдицу, Бóга всяческих рóждшую, Егóже моли упокóити престáвленнаго во вéки вся.

Песнь 9

Ирмос: Ужасéся о сем нéбо, и земли удивíшася концы́, яко Бог явiся человеком плóтски, и чрéво Твое бысть пространнейшее небéс. Тем Тя, Богорóдицу, Ангелов и человек чиновачáлия величáют.

Покой, Господи, душу усопшаго раба Твоего.

Иисусе Бóже мой, Спа́се, Ада́мле Ты взял еси́ преступле́ние и сме́рти вкусил еси́, да челове́ки от нея́ свободи́ши, Милосе́рде. Те́мже мо́лим Тя, Ми́лостиве: преста́вленнаго поко́й, я́ко Благ, во дво́рех святы́х Твои́х, я́ко Еди́н Всеблагий и Милосе́рдый.

Покой, Господи, душу усопшаго раба Твоего.

Несть никто́же, Милосе́рде, и́же не согреши́ в челове́цех, то́кмо Ты Еди́н, Иисусе Христэ́, вземляй грехи́ всего́ ми́ра. Те́мже, очи́стив раба́ Твоего́ от прегреше́ний, вчини́ во святы́х Твои́х дво́рех: Ты бо живо́т еси́ и поко́й, и свет, и весе́лие всех, Тебе́ благоугоди́вших.

Слава: Удиви́ся все естество́ челове́ческое, ка́ко Безнача́льнаго Отца́ Сын сый Единоро́дный, плоть от Де́вы де́йством Свята́го Ду́ха прия́л еси́, и пострада́л еси́ я́ко челове́к, да умерши́я оживи́ши. Тем и преста́вленнаго ны́не от нас, приле́жно мо́лим Тя, во стране́ живы́х, я́ко Благ, всели́.

И ны́не: Неве́сту Тя нарица́ем, Пречи́стая, Отца́ невидимаго, и Ма́терь Сы́на, из Тебе́ Ду́хом Святы́м воплоще́ннаго, и моле́бницу Тя о усо́пшем рабе́ Твоём предлага́ем: Тебе́ бо помо́щницу и́мамы, земни́и, и любóвию пою́ще Тя велича́ем.

[При чтении канона отдельно от панихиды:

Досто́йно есть я́ко вои́стинну блажи́ти Тя, Богоро́дицу, присноблаже́нную и пренепоро́чную и Ма́терь Бо́га на́шего. Честне́йшую Херуви́м и сла́внейшую без сравне́ния Серафи́м, без ислéния Бо́га Сло́ва ро́ждшую, су́щую Богоро́дицу, Тя велича́ем.

И окончание канона (см. ниже).]

При чтении панихиды:

Дуси и души праведных восхвалят Тя, Господи.

Повторяем ирмос: Ужасеся о сем Небо...

И окончание панихиды (литу).